



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloqventiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

II. Bonos ad Magistratum gerendum etiam invitos esse compellendos

urn:nbn:de:hbz:466:1-39028

BONOS AD MAGISTRATVM

luisse. (*Isoe. in Nicoele.*) Sic habuerunt Lacedæmonii præter Ephoros suos Regem, Athenienses Sophum, Carthaginenses unum Judicem, Romani unum Dictatorem: Veneti Senatores multos, sed unum Ducem. In cæteris vero civitatibus, quæ à pluribus reguntur, unus ferè semper est à plebe nobilitat^o Princeps, ad quem omnia referuntur, & cuius consilio pleraq; aguntur.

II. BONOS AD MAGISTRATVM gerendum etiam invitos esse compellendos.

Vide in speculo Magist. Loc. de Ambitu, de Humilit. & de Honore.

EXORDIUM duces à consuetudine prudentum, qui ediu multumque secum ipsi deliberare solent, gerere, nec ne, Magistratum, & aliis præesse debeant.

PROPOSITIO: Te probaturum eum, qui oblatum Magistratum respuit, ac recusat, ut recipiat, cogendum esse.

CONFIRMATIONIS I. RATIO à consequentibus malis. Nam si boni ac prudentes oblatos sibi honores ac Magistratus non admittant, eosdem pravi ac stolidi consequuntur (*Plato Epist. 9.*)

II. à bonorum ac prudentum natura. Quòd illorum ea sit natura & conditio quòd quiescere atq; obedire, quam imperare aliis malunt, nec honori cupidine flagrant (*Plato 1. de Rep.*)

III. à necessitate. Sed ut natura jubente pars una potius discrimen subire cogitur, quam totum pereat: ita Justitia flagitat, ut boni etiam periculosum potius Magistratum gerant, quàm damnū aliquod Resp. sentiat. (*Arist. 2. Polit. cap. 7.*) Et si Resp. instar navis æstimanda, quæ omnium opus manibus officioq; habet, ideoq; in id incumbendum non modo, ne avertatur, sed ut in portum tutissimum sese recipiat: omnium ac singulorum eò consilia, opes, actio-

ESSE COMPELLENDOS 7

ctiones dirigendæ, ut Resp. non seruetur solum, verum etiam indies feliciter augeatur.

IV. *ab auctoritate legum.* Extrat enim Lex in Digestis: Si quis Magistratus in municipio creatus munere injuncto fungi detrectet, per Præsides munus agnoscere cogendus est remediis, quibus tutores quoq; solent cogi ad munus, quod injunctum est, agnoscendum: (*Digest. lib. 50. tit. 4. de muneribus & honor.*) nisi vacatio sit concessa, aut adferatur exculatio talis, quæ æquitate nitatur, ut ætatis, imbecillitatis corporis, professionis, egestatis. (*Ibid. tit. 5. de vacat. & excusat. mû. & codicis l. 10. tit. 47. 48. 49. 50. 51. 52. 53. in quibus de excusationibus munerum, de quibus muneribus nemini liceat se excusare, de iis, qui vacante, vel professione se excusant, vel morbo, vel numero liberorum, vel aliis modis, agitur.*)

V. *ab Exemplis ac pœnis Magistratum, officia publica recusantium.* Bene constitutæ Resp. multare eos sunt solitæ, qui Magistratus & officia publica recusarunt: Athenientis capite, Romani libertate, Spartæ patria. Sophænetus, quod dux declaratus munus recusasset, decem minis multatus est. (*Xenoph. de Cyri minoris expedit. lib. 5.*)

In CONFUTATIONE respondebis ex appendice quarta *Rationis Confirmationis ad exempla eorum qui delatos honores, oblata regna, dinarchias, magistratus deprecatione, aliisq; modis à se remouerunt.* T. Manlius Torquatus renuntiatus Consul, excusata oculorum valetudine, Centuriam illam, quæ suffragium tulerat, revocari iussit, pessimum ac periculosissimum sese exemplum dixit introducturum, si oculis alienis Remp. administrandam susciperet, hortatus est alium magis idoneum ut eligerent. Cum verò cuncti instarent, alium, inquit, quaerite, Quirites, ad quem honorem hunc transferatis. Nam si me gerere eum coegeritis, nec ego

mores vestros ferre, nec vos meū perpeti imperium poteritis. Itaq; suffragio denuo inito, Consules electi alii fuerunt. (*Livius l. 6. Plin. de Viris Illust. cap. 28. Valer. lib. 6. cap. 4.*)

In EPILOGO hortaberis Auditores, ut oblatos Magistratus libenter in gratiam patriæ suscipiant.

III. MELIVS ESSE PEDETENTIM,
sensim, gradatim honores, Magistratus, imperia consequi, quàm subito
emergere.

Vide in
speculo
Magist. si-
gnum. 136.

IN EXORDIO dices erecta vereque libera ingenia solere in dubium vocare: utrum melius sit illicò, an tardè, & quasi per gradus ad honores, Magistratus, imperia conscendere.

In PROPOSITIONE: Te ostensurum melius esse sensim ad honores pervenire, quàm celeriter emergere.

CONFIRMATIONIS I. ARGUMENTUM duces à diuturnitate ac incolumitate huius modi inclarescendi, & dices, quòd etsi illustrior & splendidior sit ille modus, quo quis subito inclarescit actionum splendido, illustri, celebri initio, vel operū primordiis splendentibus ac fulgentibus; tamen cum periculo haud exiguo idem conjunctus: hic contra, ut obscurior & tardior; ita tutior, ac diuturnior sit. (*Plut. in preceptis ger. Reip.*) Nam, ut habet sermone tritum proverbium: Subitò quod fit, etiam subitò solet perire. Et in parvis honoribus timor exiguus, in magnis timor magnus: in illis lapsus insignis reformidatur, in his metuitur: uti morbi acuti periculosiores, quàm lenti esse consueverunt. (*Arist. 5. Pol. cap. 8*)

II. ab exemplo Nature, quæ nihil illicò perfectū producit.

III. Ab exēplo aliarum artium, in quibus summa
ante